

皇明經世文編

皇明經世文編卷之十五

華亭

陳子龍臥子

宋徵璧尚木

編輯

徐孚遠闇公

彭賓燕又

盛翼進隣汝參閱

楊文貞公文集

勅

楊士奇

勅諭文武羣臣求言并復弋謙朝參

求言

用文貞言復弋謙朝參并令代草求言勅

朕以眇躬處億兆之上御天下之大幾務之繁殆難
獨理是以數詔求言冀匡不逮此朕之實心也自卽

皇明經世編

楊文貞集

卷之一

求言

一

平露堂
世三、廿六

位以來臣民上章以數百計朕未嘗不欣然聽納言之而當卽與施行苟有不當未嘗加譴此皆羣臣所共知者間因大理少卿弋謙所言過於矯激多非實事朕一時不能無槩於心而羣臣有迎合朕意者交章奏其賣直沽名欲寘諸法朕特優容令在職視事誰爲此奏者難爲顏矣不得朝參而自是以來言者益少豈以爲無事可言歟抑懷自全之計而退爲默默歟自今冬不雪春亦少雨陰陽愆和必有其咎豈無可言而爲人臣者惟念保身亦何以爲忠朕之一時不能含容蓋未嘗不

自省爾文武羣臣亦各思以君子之道自勉、據其嘉謀嘉猷、凡於國家軍民、利有未興、弊有未革、及政令有未當者、咸直言之、勿以前事爲戒、而有所諱庶幾君臣相與之義、弋謙自明日以後、仍舊朝參、故諭、

洪熙元年三月初七日

勅諭吏部申明薦舉

保舉

文貞以吏部未能盡知人才、建議令大臣保舉、
勅諭吏部至理之務、必先安民、安民之方、必擇守令、
方面及守令官自是吏多稱職治功著焉
自昔聖帝明君、咸循茲道、朕孜孜夙夜、以恤民爲心、

而詢諸四方、民不得所、多緣守令非人、卽位之初、首

詔求賢今旣數月矣薦者無幾賢才之生何地無之惟賢知賢各以其類寧有不知者乎薦賢爲國事君之義其令在京五品以上及監察御史給事中在外布政司按察司正佐官及府州縣正官各舉所知除見任府州縣正佐官及犯贓罪者不許薦舉其餘見任及屈在下僚官員并軍民中有廉潔公正才堪撫字者悉以名聞務合至公以資實用不許徇私濫舉如所舉之人受贓有犯贓罪者併舉者連坐蔽賢不舉國有明憲夫天下生民之安否係於守令之得失

爾尚慎重簡昇以副朕惓惓斯民之心欽哉故諭

洪熙元年八月初六日

太皇太后諭二兄書

戒勅外戚

此書仰凡聖德淵謨遠邁東漢明憲皇后與

太皇太后致書長兄彭城伯張杲三兄都督張昇吾

諸兄書也

起於寒微叨蒙國恩榮及祖宗顯受褒寵諸兄嗣膺

重爵厚祿合門貴富與功臣等此皆列聖天地之

賜也顧豈常有汗馬之勞哉夫受非分之福宜存非

分之虞古之人有言知足不辱知止不殆可不思保

全永遠之道哉吾不幸仁宗皇帝早逝長子宣

宗皇帝又繼逝矣。今長孫皇帝以幼冲嗣大寶。內間保持輔翼。實係於吾。夙夜兢兢。如執玉。如捧盈。不遑寧處。懼弗堪負荷。上負宗廟聖靈。及辱吾先人。因念外家。欲令皆善。二兄同氣至親。可不體吾之此心哉。尚其循禮度。修恭儉。以率子孫家人。俾咸慎。蹈毋作愆過。庶以光國家之榮命。而吾先人之祀。亦永有依賴矣。勉之哉。勉之哉。二兄自今惟朝朔望。公朝有政議。悉勿預聞。惟二兄亮之。

宣德十年二月十五日

疏

請開經筵疏

經筵

伏惟 皇上肇登寶位、上以繼承 列聖、下以統御
萬邦、必明堯舜禹湯文武之道、以興唐虞三代之治、
則宗社永安、皇圖永固、天下蒙福、永遠太平、然其根
本、在致力於聖學、自古賢聖之君、未有不學而能致
治者也、去年十月內、宣宗皇帝御左順門、召臣士
奇諭之曰、明年春煖、東宮出文華殿讀書、凡內外
侍從、俱用慎擇賢良廉謹之臣、臣士奇叩頭對曰、此

國家第一事。正惟其時。伏望 皇上留心。不幸 宣

宗皇帝上賓。中外皆同哀戚之心。臣未敢遽言。然此

事至重。不敢久默。伏望山陵畢日。早開經筵。以進聖

此

學。臣等深切惓惓之至。謹具合行事。宣陳奏。伏惟

采納。謹具以聞。

一自古人君成德。必先於學。未有不學而能成德者。

尚書曰。王人求多聞。時維建事。學于古訓。乃有獲。經

筵侍講之官。實爲學之資。今 皇上進學養德。當預

擇講官。必得問學貫通。言行端正。老成重厚。識達大

體者數人以其其職庶以上副先帝之意乞預命
吏部禮部翰林院公同推舉具名陳奏取自上裁
如或其人學術不正立心行已素無善譽者不得濫
預蓋師友之臣卽他日輔導之臣不可不謹擇

一 天子就學其事體與皇太子親王不同乞先

命禮部翰林院詳定講筵禮儀陳奏

一 皇上聖德正在今日輔養本源書曰僕臣正厥

時已左右作威福否

此正本之論未知王振爾

后克正僕臣諛厥后自聖后德惟臣不德惟臣蓋言
僕臣賢否係君德重輕如此自古聖賢之君左右使

令必用正人。今 皇上富於春秋。凡起居出入。一應

隨侍及使用之人。皆宜選擇行止端莊。立心行已正

當者。使在左右。庶不正之言。不正之習。悉皆屏遠。不

得以上惑聰明。此事關係最重。伏望 太皇太后陛

下、二聖侍謂不同 皇太后殿下。皆留 聖心。爲 皇上慎選左右

隨侍。及使用之人。如或其人舉動輕佻。語言褻慢。立

心行已不正者。皆宜早去之。若不早去。隨侍既久。情

意相洽。不覺其非。言聽計從。後來欲去。其勢難矣。古

語云。與善人處。如入芝蘭之室。與不善人處。如入鮑

魚之肆。蓋言慎所漸染也。此在常人。尚須謹擇。何況天子之左右。伏望太皇太后陛下、皇太后殿下、萬萬留意。臣深受國恩。無能補報。惓惓愚忠。不敢不盡。伏乞 采納。宗社生民萬年太平之福。

辨方政被誣疏

邊將

蒙 欽發下鎮守大同太監郭敬題本二本。奏總兵特宥撫 當官都督方政專權等事。臣看得所奏事件。未知虛實。

蓋方政自永樂宣德年間奉命率兵在外。皆有功績。此人實是廉勤公正。上能敬事朝廷。下能撫恤。

軍民衆所共知、衆所共推、豈有纔到大同、未及三月、便有許多過失、且聞郭敬在彼、與曹儉通同爲非、專務貪利、不理邊備、以致累次失機。宣宗皇帝屢遣

勅切責之、仍不悛改、且郭敬初聞

朝廷命方政往

大同總兵、心已不喜、

如此立辨其誣

曾親來文淵閣對臣等、極毀方

政之短、極誇曹儉之能、臣等已料其到彼、必然不合。

或致設計傾陷方政、今已果然、臣伏思於今邊務緊

急之時、將臣可任用者、朝廷當保全之、欲請 勅

諭郭敬、命其改過自新、自今與方政協和辦事、又慮

方政知郭敬奏其違法等件。虛實未明。必然心中
起。若不寫。勅去釋方政之疑。令其如舊安心辦事。
則官軍窺覷。必不聽其號令。有誤邊備。爲此今擬寫
勅稿二道封進。謹題請旨。

論勾補南北邊軍疏

勾補軍丁

爲兵備事。切見今差監察御史清軍。有以陝西山西
酌情法詳刻可行
山東河南北直隸之人起解南方極邊補伍者。有以

兩廣四川貴州雲南江西福建湖廣浙江南直隸之
人起解北方極邊補役者。彼此不服水土。南方之人

死於寒凍。北方之人死於瘴癘。且其衛所去本鄉或
萬里。或七八千里。路遠艱難。盤纏不得接濟。在途逃
死者多。到衛者少。長解之人。往往被累。非但獲罪。亦
有艱難死於溝壑而不知者。深爲可憫。況今西北二
○論○其○切○事○邊急於防守。而西北壯勇之人。乃發南方。甚是未當。

查得永樂十年二月初五日。太宗皇帝聖旨。北京
人民有在各處充軍。今後事故來勾丁補役。不要發
去。只就河間立一衛。或一所。都着就那裏當軍。原衛
軍伍。別着人補。若在北京衛分當軍的不動。宣德二

年三月初一日、宣宗皇帝准兵部奏、令雲南四川兩廣福建湖廣該勾軍丁、除逃軍正身及已解軍丁外、其餘留所在附近衛所帶管食糧操備、本年十二月十五日、又准兵部奏、今後一體存留收操緣海地方的、也就留在那裏衛所操備、宣德三年四月二十一日、又准兵部奏、今江西貴州等布政司軍丁該解遼東甘肅等處、并山西等布政司軍丁該解雲南兩廣等處、動經萬里、及七八千里者、皆照例留附近衛所帶管收操當軍、又奉 聖旨、腹裏地方該勾的軍

離原衛二千里以裏的還發去二千里以外的都留在附近衛所收操此皆祖宗成憲蓋洪武中有犯罪死者恩宥免死不分南北發極遠充軍所以懲治有罪此太祖皇帝之仁也其後有罪者已死補役者皆非犯罪之人朝廷憫其遠道艱難留於附近衛所操備此太宗皇帝宣宗皇帝之仁也陛下卽位以來以陝西該解腹裏山東河南大寧都司等處衛所軍丁俱收發陝西靖虜衛又以廣西缺軍命發南方貴州雲南廣東廣西四處該勾遼東等處

軍丁悉發廣西都司屬衛收操亦是仰體祖宗之

仁近來該部執稱原舊隊伍難以改發此只是畏避

有司因循之弊不過如此

文案繁勞而不思兵備之無實不念下人之艱苦近

日兵部雖因清軍御史之言奏請清出軍丁暫發

附近衛所帶管收操緣南北俱有邊境今俱少軍若

只於本處附近收用近邊衛分緩急亦不得濟臣等

愚見今所急缺邊軍者欲乞除逃軍外以山東山西

河南陝西北直隸今後清出軍丁各就所近發甘肅

寧夏延安大同宣府永平遼東等處補伍雲南兩廣

貴州四川湖廣江西福建浙江南京直隸今後清出
軍下各就所近發四川雲南貴州兩廣及邊海衛所
補伍皆就定其衛所發去待補足其缺之後再有清
出者却於腹裏衛所補伍如此則兵備有實下人不
困臣謹陳愚見伏乞特命公侯伯之老成者及都
督尚書侍郎都御史會議可否謹具奏聞伏候恩旨
論旌褒景東知府陶瓚等疏

激勸土官

爲激勸事該兵部傳奉聖旨陞授景東府知府陶
瓚散官太中大夫資治少尹及褒封陶瓚祖母阿曩

爲太淑人、令臣寫勅施行、此誠皇上旌忠報功

之盛德、臣竊聞自古帝王得馭夷狄之道者曰守在

四夷、曰以夷狄攻夷狄、二者而已、蓋先以恩德結近

邊之夷、則遠外之夷爲其所制、勢不能爲患於邊、大

抵蠻情頑獷勁悍、必其同類制之、則易爲力、今景東

之勝、蓋出於此、然其中有忠義之心、願奮力報國

者、正當厚恩待之、以堅其良心、其陶瓚及祖母阿曩

率領頭目已量功陞賞、實授以職、惟陶瓚以土官知

府、難陞職事、并其祖母止授散官及封號、臣等愚見

欲乞 聖恩皆給賜誥命及賜以對品之帶各一。使
得永遠寶藏。庶感戴尤切。而圖報之誠益堅矣。其木
邦宣慰使罕蓋法與祖母美罕板忠義報國之誠。亦
與陶瓚阿曩同。兵部已請 勅褒封賞賚奉 聖旨
令臣寫勅。臣愚見欲乞 恩旨同陶瓚阿曩一體頒
給。庶於邊夷有所激勸。蓋所費者約。而所勵者益多。
謹具題奏。伏惟 聖裁

計議除授方面等官疏

保舉

昨日太監金英傳奉 聖旨。今後除授方面官及府

州正官若專用保舉卽是恩出於下還依洪武永樂年間例行欽此本官後又令臣計議臣伏思宣德七年以前其前項官員多不得人百姓受害欽奉宣

宗皇帝勅旨布政司按察司官及知府知州得其人則民安非其人則民受害該部徃徃循資陞授不免賢否混淆自今布政司按察司官及知府知州有缺吏部行移在京三品以上官舉保及布政司按察司堂上官連名舉保必取廉公端厚識達大體能爲國爲民者吏部審其所保果當其名奏聞量授以職後

犯贓罪併罰舉者欽此以後凡所保者多得其人。

皇上臨御以來悉遵先皇帝勅旨而行今各處方

面官與府州正官十有八九得人停當所以百姓得

保薦之失自當少干循資除授耳

安其間或十有一二舉不得人却是保舉之人審察

不明亦或實是徇私爲是該部不行糾舉以致四品

等官舉保知縣者十有三四舉保不當然所保得當

者還多自今舉官之人亦已多知謹畏不敢輕易濫

舉恐累及自身臣愚見伏望聖明仍遵宣宗皇

帝勅旨而行大抵宣宗皇帝仁民之心皆是上體

太祖皇帝 太宗皇帝 仁宗皇帝 三聖仁民之心

而行非是有所更改。但因時損益耳。管者堯舜禹湯
文武數聖。人相承之政。皆因時損益。所謂因時損益
者。或太過則當損。不足則當益。以合於時宜也。管我
太宗皇帝於洪武之政。仁宗皇帝於永樂之政。皆
有因時損益之宜。亦皆是上體 祖宗保民之心。而
行故當其時。無人曾有異議。宣宗皇帝臨御之時。
體 祖宗之心以行保民之政者尚多。此保官一令
是第一事。蓋用人者帝王之首務也。伏望 皇上奮

保官一事

文貞贊成聖政

惟此

爲大故辨之

其力

獨斷之明。今後舉保方面及府州正官。宜悉遵宣
宗皇帝勅旨而行。晉唐太宗行仁義之政。命在京三
品以上官。舉郡守縣令。後來致天下斗米三錢。外戶
不閉之效。明鑒所在。可無疑也。聖旨所諭。保官則
恩出于下。切緣衆臣舉保之後。吏部審擇具名奏請。
必得聖旨賜允。然後授官。如不賜允。卽不得除授。
凡授官者。莫不感戴。聖恩。實非出于下也。此令
行於宣宗皇帝在位之時數年。不聞人有異議。惟
近年始有一等京官。不才輕薄。無人保舉者。造爲謗

謠傳播中外。其意專欲墮壞。先帝之良法不行。則此等無狀小人。皆得升用。此等小人升用。則百姓受害。天下何繇治平。自古朝中用一正人行一良法。則○上○力○持○之○耳

小人皆不便之。毀之壞之。如孔子初攝魯相。國之小

人作歌謗之。及久而定也。國人愛之。作歌頌之。又惟

恐其死也。在古聖賢尚然。可以觀小人心矣。伏望

聖明只依先皇帝勅旨而行。但所舉之人。後有犯

賊。須明正濫舉之罪。并罷其官。便是臣濫舉。亦請究

治。不宥庶幾其餘有所警省。臣受四朝大恩。當切

慚愧。無能補報。惟念用人賢否。關係生民休戚。國家治忽。今若知而不言。是臣不忠之罪大矣。是以謹竭愚誠。冒瀆天聽。伏惟聖裁。

論遣將征勦麓川疏

計處麓川

昨日欽蒙上命。寫召李隆勅書。臣已謹遵寫稿進呈。伏竊思之。南京根本之地。李隆受先朝簡拔。守備十六七年。本官謹慎小心。克稱委託。軍民獲安。朝廷無南顧之憂。今以麓川之事。召之。然麓川遐荒小夷。屢拒朝命。固當問罪。今以蔣貴之才勇。復擇

一二人善戰者爲之佐輔。又以文臣王驥歷練老成贊理之。足任其事。况李隆之才。長於守備。未聞其有攻戰之能。若論攻戰。李隆必不及李安。又蔣貴新封爲伯。李隆嗣承伯爵三十餘年。朝班次序。蔣貴當在李隆之下。若使蔣貴總兵。而李隆爲副。似有未當。雖出上命。李隆固不敢違。然彼此心不相孚。亦難行事。臣愚見欲俟蔣貴至日。與之計議。佐輔必欲得人。亦未爲遲。如此庶幾事得穩當。而成功可冀。臣又有愚忠。冒瀆天聽。昔太宗皇帝征討有罪。必先

龍川之事本稿貪

功文貞此疏殊爲說正

遣人再三撫諭及其不從然後加兵。今麓川拒命。

臣亦深切惡之。非欲釋其罪。但思古人有言。兵者凶

器。戰者危事。自古聖帝明王。皆不輕用者。恐害及無

辜。有傷天地之和氣也。又慮用兵遠方。雖有將有兵。

而糧食不足。猝難爲力。亦所當計。臣又思自麓川拒

命。比先朝廷所遣撫諭。勅書恐有阻隔。未曾到

○善○爲○解○紛○

彼。又雲南總兵官。將彼所差之人。悉置於死。是以此

賊心懷疑懼。不敢再遣人來。近其所遣忙怕力絲觀

來。已蒙皇上恩賞。特旨許令改過。赦宥其罪。就命

齊 勅回還。臣竊計此 勅到彼。賊必遣人再來。視
其情偽。爲之處置。近者又有 勅令沐昂等。留之不
遣。則使此賊終不知 皇上天地大恩。無繇改過。將
來必勞天兵。伏望 皇上體天之心。今且日務選將
操兵積糧。以備征用。姑先放忙。怕力線觀齊 勅回
彼使知 皇上大恩。以圖改悔。縱使彼執迷不改。亦
且緩其備敵之心。待雲南糧儲有積。將士操習精銳。
卽一鼓進兵。勦滅以昭 天討。亦未爲遲。况留此二
三人。實不足爲輕重。但恐留之日久。使賊之逆志益

告是○特○帥○說○之○必○

堅而爲備愈固。或啓其竄伏之計。况彼烟瘴之地。大軍難以久駐。而賊得窺伺官軍進退。以爲出沒急難成功。臣惓惓愚忠。非敢爲緩兵之計。但願大兵之行。必出萬全。以爲國家久安長治之道。冒瀆天聽。伏惟聖裁。

論褒謚黃福疏

褒謚老成

別部亦可參贊

爲激勸事。近據禮部手本。該本部奏南京參贊機務

不必照部

少保戶部尚書黃福喪禮。傳奉聖旨。行移本院撰

述祭文。欽此。臣等伏惟皇上臨御以來。禮待臣下。

悉出於厚、今福蒙 祭營葬、光榮甚盛、存沒感戴矣

臣等竊思黃福、洪武年間自衛幕官、因言事、太祖

皇帝深見嘉獎、超陞工部侍郎、太宗皇帝初登大

位、卽陞工部尚書、後建北京、新設行部、命爲行部

尚書、及平定交趾、初設布政司、按察司、又命黃福

仍尚書之職、前往交趾撫綏其民、布政按察二司印

信、竝付福掌管、一切公務、皆總於福、福在交趾十有

餘年、處事甚得人心、仁宗皇帝監國、備知其賢、卽

位之初、特遣人齎 勅召還、命兼詹事、輔導儲君、

尚不數年遂不守

自黃公去交

宣宗皇帝在位。念南京重地。以福老臣。命於南京戶部管事。皇上嗣位之初。陞福少保。令參贊機務。中外之人。皆忻悅。朝廷用人之當。福感戴。聖恩與襄城伯李隆同心協力。以副委任。蓋福爲人廉潔正直。剛果無私。且明識大體。身雖老病。念念在公。官雖貴顯。不營私蓄。四十年來。大臣之中。正色居官。少見其比。今蒙聖恩。固已深厚。但臣等欲望天恩。賜文臣賜諡者尚少謚二字。及贈一官。用褒賢良。用垂勸勵。蓋自古治平之朝。及祖宗之世。皆用此典。臣等所目見者。太

宗皇帝於太子少師姚廣孝、大學士胡廣皆賜謚贈官。仁宗皇帝登極，贈謚尤多。尚書侍郎下至少卿、少詹事贊善院判之賢且良者，皆得蒙恩。今黃福

比前之得贈謚者，歷官尤久，効勞尤多，操節之正，始

終一致，伏望

文貞于黃公沒後為之請卹而野天恩特命該部依先朝例賜謚贈

官。史謂黃公之改南以三楊諸公見忌置之散地非庶使在位臣僚觀感興起，臣等非敢私於黃福，但

事實也

欲國家典禮施之公當，謹陳愚見，伏惟聖裁。

論荒政

救荒

為預備事，伏聞堯湯之世，不免水旱之患，而不聞堯

湯之民至于甚艱難者蓋預有備也凡古聖賢之君
皆有預備之政我太祖高皇帝惓惓以生民爲心
凡於預備皆有定制洪武年間每縣於四境設立四
倉用官鈔糴穀儲貯其中又在近倉之處僉點大戶
看守以備荒年賑貸官籍其數斂散皆有定規又於
縣之各鄉相地所宜開濬陂塘及修築濱江近河損
壞隄峴以備水旱耕農甚便皆萬世之利自洪武以
後有司雜務日繁前項便民之事率無暇及該部雖
惟文移爲虛具故實事不立
有行移亦皆視爲文具是以一遇水旱飢荒民無所

賴官無所措。公私交窘。只如去冬今春。畿內郡縣。艱難可見。况聞今南方官倉儲穀。十處九空。甚者穀既全無。倉亦不存。皆鄉之土豪大戶。侵盜私用。却妄捏作死絕。及逃亡人戶借用。虛立簿籍。欺謾官府。其原開陂塘養魚者。有墮塞爲私田耕種者。蓋今此弊南方爲甚。雖聞間有完處。亦是十中之一。其實廢弛者多。其濱江近河。汙田隄岸。歲久坍塌。一遇水漲。湮沒田禾。及開壩蓄泄水利去處。或有損壞。皆爲農患。大

欲修患民之實政。惟在守令而已。

抵親民之官得人。則百廢舉不得其人。則百弊興。此

固守令之責。若養民之務。風憲之臣。皆所當問。年來因循。亦不及之。此事雖然。若緩其實。關係甚切。伏望聖仁特命該部行移各布政司按察司及直隸府州。除近有災傷去處。暫且停止。俟後來豐熟舉行。其見今豐熟去處。悉令有司遵依洪武間舊制。凡倉穀陂塘隄岍。並要如舊整理。倉有損壞者。卽於農閒時日。用人修理。穀有虧欠者。除赦前外。赦後有侵盜者。根究明白。悉令賠償。賠償完足。亦免其罪。不許妄指無干之人。塘塞若其侵盜。證佐明白。巧不服賠償者。准

土豪及盜用官糧論罪有司仍將舊有及賠償實數開奏其陂塘隄岍亦令郡縣凡有損壞悉於農閒用人修理有強占陂塘私用者犯在赦前亦免其罪即令退還不還者亦准土豪及盜官物論罪其退還陂塘及圩岍閘壩應修去處亦令有司開奏應修築者以次用功完日具實奏聞仍乞令戶部行各布政使司府州縣除近被災傷去處外凡今秋成豐稔之處府州縣官於見有官鈔官物照依時價兩平支糴穀粟儲以備荒免致臨急倉惶失措年終將所糴實數

奏聞。郡縣官考滿給繇。令開報境內四倉儲穀。及任內修築陂塘隄岸實數。吏部仍行該部查理。計其治績以定殿最。各按察司分巡官及直隸巡按御史所歷州縣。並要取勘四倉實儲穀數。及陂塘隄岸有無損壞。修理實績。歲終奏聞。以憑查考。如有仍前欺弊怠事者。亦具奏罪之。若所巡歷之處。仍前不問不理。或所奏扶同不實。從本衙門堂上正官糾劾奏聞。庶幾官有實積。荒歲人民不至狼狽耕農無旱潦之虞。祖宗恤民良法。不爲小人所壞。臣等愚見如此。

頌 三篇

瑞應麒麟頌 有序 祥瑞

瑞麟入貢著撫夷之有道被識之

宣德八年閏八月西南海外諸番國或其王親行或遣子弟或遣大酋泛海越數十萬里而來朝貢麒麟獅象珠玉珍貝奇異之品用達誠意麒麟凡四而出非一所其言曰蠻夷之人邇處海外瞻仰中國如天之上比十數年來海波無虞山島所聚種作蕃阜民咸安適聞之老長言此太平之象也必有聖人奉天命主中夏施仁布義肆延被我遐裔已而祥麟出

焉。老長又言。是上天所生以爲中國。聖人瑞者。其
建獻焉。敢祇以獻。遂頌伏呼萬歲於時。羣臣百職以
及陞衛虎賁萬衆。歡覩舞蹈稱賀。臣聞自古帝王受
天命有天下者。能體天之心。用天之道。以稱天之付
畀。天必悅鑒而昭荅靈貺。歷考伏羲神農黃帝堯舜
禹湯文武數聖人。其效可見已。恭惟 皇帝陛下以
大聖之德。躬膺天命。嗣 祖宗之大寶。臨御以來。一
以至仁。覆幬天下。旰食宵衣。圖惟庸濟。無間遠邇。撫
綏一心。是以凡天地所覆載。日月所照臨之處。靡不

歸誠向化。朝覲貢獻。日聚闕下。四境清寧。纖塵不作。
此皆 陛下聖德之得人心者也。夫得人心者得天
心之本也。是以連歲四方上奏嘉禾秀麥豐年之禎。
上而星文之祥。下而物產之瑞。駢起疊臻。不可數計。
雖間者霖雨稍稽。而恤民爲祈天之實。弘敷德音。覃
布仁澤。璽書所至。抃舞載道。甘露隨降。田穀以豐。
此 陛下聖德之得天心者也。亦豈必麟見而後始
驗於今日哉。然麟仁獸也。四靈之首。王者至仁則出
出則天下平。非若其他禎祥之比。今茲之出。實以彰

皇明經世編

楊文貞集

祥瑞

三

平露堂

卷之一

上天嘉祐。聖仁之隆且厚也。而率來自遠方者。又以彰聖德之無遠弗届也。臣士奇叨在侍近。目睹嘉祥倍萬。忻懌謹譔瑞應麒麟頌一篇上進。伏惟電覽焉。頌曰。天眷下民。爰命仁聖。俾育其生。俾復其性。惟皇奉天。允篤於下。爰育爰訓。孜孜夙夜。曰時兆庶。咸予赤子。仁之所施。權輿于邇。薄海內外。爰聞爰限。如浸之潤。繇邇漸遠。惟皇聖仁。顙顙一心。曰天付予。予罔弗欽。茫茫九有。仁浹義孚。生息有遂。蹈履弗渝。既富既穀。亦泰以嬉。仰足于公。俯給于私。三

光昭明五緯順軌四序調均百祥韡韡爰暨四方達
于八紘民用康寧物用阜盈乃有靈祥麇身牛尾圓
蹄肉角崇丈又二音中律呂步中矩規粲粲其文循
循其儀厥名曰麟四靈之首見于夷邦夷其敢有曰
天生之實瑞○有○似○雲○之○油○之○瑞○天王我惟祗獻用告嘉祥乃蹈鯨波
乃造龍墀金門含耀紫殿騰輝在廷文武舞蹈愉懌
惟天降祥允昭聖德惟皇施仁六合一春表仁
之祥孰大於麟來自遐邦昭德覃布踰三倍二與時
合數天鑒在上丕顯嘉徵皇仁在御丕隆治平簡

冊有紀播示無極臣工有頌洋洋川溢臣叨禁近陳
詩稽首惟皇萬年惟皇萬壽

出師頌

有序 征安南

永樂四年安南黎寇作亂

明用師之非得已

朝廷屢遣詔使諭之弗

悛益驕賊弑其主毒虐國人甚於水火走奔訴告咸

集闕下

皇上震怒召文武羣臣諭曰予承天命保

康兆億民一民弗獲惟予弗恭有弗迪而遽誅斯遏

抑厥自新乃有弗迪底于再三而釋弗誅惟予弗君

今盜滋弗迪予必不釋羣臣合辭力贊必決乃昭告

天地宗社山川 命成國公朱能佩征夷大將軍章
率左右副將軍左右參將暨神機橫海驃騎游擊鷹
揚五將軍率兵八十萬討賊七月某日師行 上臨

時尚在南部

江送之既禡申命總兵能若曰汝其率師往行天討
惟盜父子沿襲悖兇神人共忿必誅不釋厥暨同惡
必誅不釋凡厥脅從咸釋弗誅汝往欽哉惟茲安南
咸朕所統厥民滋困于盜罔攸訴告汝其往弔罔有
侵害或有侵害既殄戮盜猶底汝罰汝往欽哉能拜
稽受命祇承惟謹遂大饗將士是日天宇朗霽雲物

不作戈矛耀日。旗旆亘雲。士壯馬肥。紀律齊肅。巨艦
蔽江。長風翼颿。神邁電馳。不疾而速。浩浩乎已。氣吞
跌。鳶之壤於萬里之外矣。天顏悅懌。豫必成功。鸞
旆旋闕。瑞彩騰霄。臣執筆從屬車。親聆玉旨之敷
仁。覩總戎之恭命。士氣之奮發。嘉應之孔昭。敬作
出師頌一首。其詞曰。天眷皇明。咸畀所覆。凡厥
有生。俾育得所。惟皇奉天。仁懷義撫。日月所照。恬
嬉鼓舞。逖彼交夷。在國南裔。乃有蛟虺。爲毒爲厲。哀
哀無辜。惟厥啗噬。屢詔申誨。弗遷益悖。皇赫斯怒。

爰急拯焚。乃敷綸言。乃告明神。誅日誓師。大江之濶。
天宇澄霽。廓無纖氛。如虎如貔。師徒勁堅。如雲如霓。
旗旄飄颻。甲冑弓矢。戈矛咸干。其列秩秩。其氣桓桓。
帝謂汝能。汝仁且武。其總率師。往靖夷土。除惡務省。
綏良務溥。仁義之行。毋違天者。臣能拜稽。臣敢忘敬。
帝德承天。臣職奉命。惟此。頌。亦。功。德。也。韓。昌。黎。然。成。公。甫。視。師。旋。卒。不。克。終。帝之聖。舜禹爲君。惟能之。
賢。方召爲臣。南交氛壻。不日澄鮮。王師勞勩。不日凱
旋。八表一統。皇明御天。小臣作頌。豫歌太平。

御書閣頌

有序

御書

臣士奇自布衣被召、太宗皇帝入繼大統、首擢翰

林編修、初建內閣於奉天門內、簡任翰林之臣七人

北內閣臣所自筆也

其中所職代言、屬時更新、凡制詔命令、誠勅之文、日

夥、而禮典庶政之議、及事之關機密者、咸屬焉、車

駕屢賜臨幸、七人恒早朝、退卽趨閣治職事、莫乃出、

七人者、士奇與焉、越三月、進侍講、又明年、冊仁宗

皇帝爲皇太子、簡內閣六人兼春坊官、士奇與兼左

坊中允、兩職之務、敬修惟謹、又明年、陞諭德、仍兼侍

講、永樂七年、車駕將巡北京、命皇太子監國、簡

留文臣四人輔導其兩人出內閣士奇與焉上進

而諭之曰唐太宗簡輔監國必命房玄齡卿等其識

朕此意加敬慎之四人頓首受命自是車駕北狩

監國之輔無改然四人者其半有事去始終在侍兩

人士奇與焉進翰林學士仍兼諭德侍皇太子覲

北京遂改左春坊大學士輟翰林兼職專輔問學

仁皇嘗指兩人諭羣臣此吾左右臂也既嗣大位屢

進其官初進士奇禮部左侍郎兼華蓋殿大學士遂

進少保又進少傅兼兵部尚書繼事宣宗皇帝者

十年、三聖所以寵任保全之皆一心。嗚呼。今龍

御升遊皆遠矣。每捧讀向之所受寶章宸翰。追惟天

地生成。日月照臨之大德。未嘗不拊心悲摧。攀附無

所。欽遇皇上嗣臨大寶。用人循舊。進臣少師仍兼

然。是時三陽口之。紫少。哀矣。

尚書大學士。所以信任之。褒寵之。益有加焉。顧臣衰

病餘齒。樸朽無庸。何能少裨分寸。但感刻之誠。惓惓

惟固。凡所受四朝誥勅及詩。敬用錄副。勒諸貞石。

藏於私家。垂之綿永。且構屋以庋之。名御書之閣。

謹拜手稽首而頌曰。天命明聖。統有萬邦。啓千

謹拜手稽首而頌曰。天命明聖。統有萬邦。啓千

帝堯暨舜禹湯，憲天爲理，仁需下民，有教有育，有典
有章，東西朔南，來享來王，天監于德，曰忱予肖，爰篤
厥祐，彌永以厚，爰錫文武，俾左俾右，咸奮勵績，疏附
奔奏，惟帝念茲，靡勤弗酬，或隆之褒，或崇之爵，
四聖一道，秉持有確，有效于勤，敬受靡忤，顧臣老愚，
材樗量勺，寵福齊均，負乘惕若，維皇四聖，天德洋
洋，鳳翥龍騰，慶雲五章，豈臣眇微，獨蒙厥慶，斗牛之
下，高山大江，與被嘉榮，華潤悠長。

皇明經世文編卷之十六

陳子龍臥子 宋徵璧尚木

萃亭

徐孚遠闇公 彭 賓燕又 編輯

盛異進鄰汝參閱

楊文貞公文集

序

楊士奇

三朝聖諭錄序

聖諭

此數行大意與聖諭無異

太宗皇帝初正大統故翰林之臣不及十數人。詔

吏部及翰林舉文學行誼才識之士。授職其中。士奇

首膺簡擢。賜五品服。肇建內閣。簡七人專典密務。皆進官。士奇與焉。屬時幾務孔殷。常旦及五。百官奏事。還內閣之臣。造宸前進呈文字。商幾密。承顧問。率漏下十數刻始還。既建儲簡翰林之臣兼輔導。士奇與焉。旦上前奏事。還必造東朝參侍經幄。

車駕北巡。簡內閣二人輔監國。士奇與焉。仁宗皇帝。宣宗皇帝嗣位。所以寵任士奇者。始終皆如永樂。士奇祇事三聖三十有三年。寵愈厚而官愈進。負乘之愧。夙夜靡寧。嗚呼。三聖遠矣。當時共事之。

臣或亡或退。獨士奇今年七十有八。衰病昏耄。猶濫
玷朝行。未已也。誠孝昭皇后上仙。梓宮歸葬。士奇
奉命祇送。旬月乃竣事。其每旦展敬。三陵之下。追
念舊恩。五內摧痛。因記憶榻前所得玉旨之詳者。輯
而錄之。釐爲三卷。永樂居首。洪熙次之。宣德又次之。
蓋計平生所得。此殆什之一二。而潦倒荒迷。非惟不
能悉述。亦不能悉記也。有疑之者曰。廷陞之密。可存
於私乎。輒應之曰。吾惟懷乎慮。泯吾君之盛美。是
懼而遑它邱哉。不觀於古乎。歐陽文忠公著奏事錄。

美如云魏鄭公以諫草示史官也

此一後辨折大有學識不然疑于漏言或掠



及濮議司馬文正公著手錄。且記當時君臣問對之辭。委曲而詳盡。所以著一代明良契合之盛事。蓋昔之大臣君子。選選皆然。義之所不能已也。況臣之所錄。有聖德焉。有聖訓焉。有特恩焉。臣惟懼錄之不能詳也。而奚暇它卹哉。疑者旣釋。敬號曰聖諭錄。

西巡扈從詩序

西巡

叙扈從語皆得休

宣德甲寅秋。居庸之外。懷來保安宣府萬全皆大熟。上慮邊人安於足給。而忽警備也。乃九月甲申。車駕親巡飭之。詞林從者士奇勉仁弘濟德遵。士奇年

七十特給輿卒二十人而道中氣候清和動息舒徐
號令嚴肅行者不勞居者無擾間駐蹕平曠命將
士飛放馳射用閱武也是月丁酉至洗馬林蓋去宣
府西百八十里洗馬林者舊名葦蓆林語襲訛也時
北虜阿魯台之衆爲瓦剌摧敗狼狽假息塞下左右
從吏希合之臣多請掩捕之者上曰朕知飭備耳
困人于厄非王者事不聽從臣中士奇爲最不習兵
事間以文事承顧問而寵遇恒均一夕召問士奇
卿數日馬上亦賦詩否士奇惶恐叩首上慰勞再

三旣班師十月甲辰至北京。扈從往復載二十日。其

閒情之所至亦時見諸賦詠凡得小詩若干首記憶

并前扈從敘之

前五年從巡邊至宣府往復二十日在道未嘗不寓

興于詩而以今視舊年益邁氣力益衰詞意益鄙陋
無足采特以其發于一時之息從而將來亦可攷見
歲月故遂錄之而不棄云。

賜遊西苑詩序

內苑

君臣同遊是盛事經濟之本也故北詩文皆詳載

宣德八年四月二十有六日上以在廷文武之臣

之

日勤職事不遑暇逸特勅公侯伯師傳六卿文學

侍從遊觀西苑。以息勞暢倦。於是成國公臣勇、豐城侯臣賢、新建伯臣玉、少師臣義、少傅臣士奇、臣榮、尚書臣璫、臣澂、臣中、侍郎臣驥、少詹事臣英、臣直、侍讀學士臣時勉、臣習禮、拜命以行。時少保臣淮來自退休承命偕行。凡十有五人。又勅中官導自西安門入。聽乘輿馬。及太液池而步。大監臣誠奉宣聖旨。令徧歷周覽。從容勿亟。於是誠導之循太液之東而南。行觀新作之圓殿。返而觀改作之清暑殿。臣誠爲臣勇等言。二殿皆

于此一事指出盛事

皇上奉侍

皇太后宴遊

之所也。臣勇等仰瞻殿庭周廡。規制高明。繕作精密。凡所以供奉之具。潔清鮮好。靡不悉備。俯而思惟。

皇上之聖孝。皇太后之盛福。皆古今鮮有。遂拜稽歡呼萬歲。乃降而登萬歲山。至廣寒殿而仁智介福。延和三殿。及瀛洲方壺玉虹金露之亭。咸得遍造。是日天宇澄明。纖塵不作。引而四望。山川之壯麗。卉木之芳華。飛走潛躍之各適其性。萬象畢陳。胸次豁然。心曠神怡。百慮皆淨。信天造之佳境。而人生之甚適也。已而中官傳奉。上命。賜黃封之酒。御厨之珍。令

咸醉而歸。又拜受。命方爵數行。時久未雨。忽雲陰

東來。微雨霑席。倉庚如簧。和鳴不已。衆詣以喜。相與

引滿。勸酌盡。醉而出。臣聞一張一弛。文武之道。皇

又詞典贊乃為樂

上統四海之廣。撫兆姓之衆。一日二日。萬幾則以閒

暇游焉息焉。且奉天倫之樂。於茲誠宜。又俯矜左右

執事之勤。亦俾之預有今日之適。恩甚盛也。于是

羣臣欣幸。遭遇賦詩者若干人。詩總如干首。臣士奇

預侍宴間。於茲屢矣。是以謹序於卷端云。

送龔憲使致事詩序

致政

宣宗皇帝臨御深惟安民之道。詔吏部凡布政司按察司正貳及府州正闕。令京官三品以上奏舉。必取廉公端厚。識達大體。能爲國爲民者。如所舉後受賕并罰舉者。皇上嗣統。申飭舊章而加嚴焉。由是被命之臣咸顙顙不敢以忽。凡所奏舉十率七八稱得人。於時按察使尤難其選。吾友豫章龔鋌子諫起科。目初擢給事中。陞雲南僉憲。改廣西。又改廣東。用少保東萊黃公奏。陞四川按察使。命初下。中外忻忻。喜朝廷官人之當於其職。且重黃公之明知人也。

歲餘子諫聲譽益起、蓋士大夫公議亦錄淳熙今憲使之賢子。

諫表表在甲乙數。子諫宋吏部侍郎竹鄉先生之後、
篤志而清修、耿介而直諫、有學術、明大體、嘗言事過
直、雖忤不悔、所至不尚威嚴、而政紀清肅、除害興利、
具有成績、如在雲南、爲法教、屯兵引水灌田、歲免夏
旱之虞、廣西叛猺、猖獗、都司不能制、子諫親督官兵、
進討擒戮猺寇二千餘、生繫兇渠送京師、斬于都市、
悉還所掠良民男女數百人、四川時、釋平人死辜於
十年之久未決者五十餘人、皆著人耳目、其所建議

皇明經世編

楊文貞集
卷之二

致政

六

平露堂

便民尤多。蓋其心夙夜在民。所歷官或萬里。或七八千里。跋涉險遠。而冰檠之操久益確。仕四十餘年。貧如家食。畝園田無寸尺之益。而視舊加損。此其人豈貴富之能累其心哉。今年七十有一。言于朝。乞致事歸。天官卿言。雖雖老。尚堪事事。未應遐。蓋重賢者之去也。上念其涉歷之久。且艱。竟從之。優老之仁也。子諫既拜。命過予曰。故人能無一言識別乎。嗟乎。久勞懷逸。人人同情。何獨子諫哉。故賦近體詩二章。寄久要之情云耳。

記

旌義堂記

賑荒

正統三年六月十日、上遣行人盧懋齋、璽書旌

江西吉安府泰和縣民蕭襄爲義民、蓋自 上臨御

以來、四方之人、仰體 皇仁、出殺縣官、預備賑荒、事

民人設局、璽書具數也

日有聞於上、悉賜璽書旌褒、時士奇兼掌內制、每私

怪斯舉、權輿吾郡、而未聞吾邑、有一人繼者、蓋歷三

歲、始見于襄、吾與襄同邑有連、且嘗作賓蕭氏塾、固

知襄必能爲義、然猶怪其獨緩也、今年過鄉里、里耆

老爲余言襄之圖效義久矣。屬時令丞闕，簿攝令事。

襄具材作義廩，言於縣，請以隸官。又言願出穀納廩。

○吏○無○跡○不○行○直○止○斯○事○然○獨○奈○且○善○何

以備賑飢。縣吏需重賂，乃行。襄私竊歎曰：以賂吏，曷

如及飢時，襄以賑民乎？不肯賂吏，亦竟不行。明年，吉

安府通判余君來掌縣事，襄復言之。余君大喜，卽日

遣其佐眎襄所作廩，而內其穀凡千二百石，遂聞于

朝。斯其所由緩也。嗟乎！水旱在古聖人之世不能無。

惟古聖人有備焉，故其民不病。今民比比能仰體

皇仁爲先事之備，食祿者乃有不能。武又資緣以爲

已利彼獨何心。如余君之明治體、豫民患、卓然其今之循良有司、何可多得哉。若蕭氏之務義、厥有自來、非昉於襄也。晉襄之大父思和甫、父安正甫、當元季寇亂、所在靡寧、思和甫父子挺然發帑倡義、保障其一鄉、終亂不見兵禍。至于今號其里曰桃源、我國家靖宇內、定法制、簡富民、長萬石、區俾董徭賦、思和甫與焉、惟義之行、上下賴之、後安正甫繼焉、一循其父之義、及襄偕弟應又繼焉、皆循大父父之義、尤恪慎介然不一毫苟取、其區之民、有橫恣不律者、率略之

弗較。有艱窶不給者。恒加卹之。蓋蕭氏施義其鄉。昉于襄之大父父。而至于襄蓋篤也。玉音下逮。龍光輝煌。真無忝也矣。豈若世之驟興於一人。偶見於一善。而濫冒寵錫者之可同日語哉。予旣名襄所居堂曰旌義。襄來北京。屬書之。予惟其室書者有二。泰和之民。以效義荷。璽書旌褒。自襄始一也。余公之廉公明決二也。遂并蕭氏世德書之。

賜印章記

內閣印章

賜印章是具敘

世宗

亦有賜

非閣中故事也

仁宗皇帝賜印章二。其一範白金。廣方寸。文曰繩愆。

糾繆。蓋臨御之初，召少傅臣蹇義、少保臣楊士奇，至思善門諭之曰：卿二人自吾監國時相輔，益甚厚，今不可以薄。但吾有過舉，如未得卽見，可具述其故。以此封識進來。賜義與臣各一章，且各賜小素揭帖百。俾述所言，蓋求益于下之切也。又召義與臣各賜象牙圖書一。臣得楊貞一印，皆有璽書，蓋念其嘗効分寸之勞也。宣宗皇帝賜方寸銀章二，其一文曰貞一居士。蓋取先帝所賜貞一章而舉二字賜臣爲號也。其一文曰清方貞靖。時覽貞一章，旣顧謂臣

曰此先帝之灼知汝也然吾知汝亦非淺指清方貞靖謂臣曰此汝之所有而吾所素知也遂以賜臣又諭之曰士奇必以所輔先帝者輔我臣叩首對曰不敢不竭盡愚誠既拜受賜時皆以爲千載之遭際希濶之大恩也蓋仁宗初賜臣二人繩愆糾

謬章後數日亦賜夏原吉臣冒昧進曰臣與楊榮金

誠焉得休然微有自德意凡文自三朝聖諭錄

幼孜實同職任今賜不及二人幸天恩均之言且

所載多此類

再三遂賜榮幼孜同一章至宣廟賜清方貞靖

章是時蹇義楊榮胡濙皆有賜其文則各因其人而

題後

恭題 三朝賜誥命刻石後

誥命

叙文臣賜誥之少以見其重亦可為故事考

太宗文皇帝御天下二十有三年文臣皆未有得

賜誥勅者惟永樂十年文臣得 賜誥及封贈祖父

母妻者尚書八人太子少師一人翰林則內閣之臣

五人臣士奇亦與數焉蓋時甚重之也 仁宗昭皇

帝初臨御循洪武之制文臣考最者悉 賜誥勅封

贈而首及輔臣時制草已定 上親御宸翰於輔臣

制內增二語勿慮崇高而難入勿以有所從違而或

天語非故事故特詳之

皇明經世編

卷之二

三

怠鳴呼 明聖之心二帝三王之心也臣祇事 三

聖賜誥凡十有五通永樂四通洪熙十通宣德一通

臣士奇心恒愧悚。駑鈍無庸。不能效報萬分之一。上

有忝於榮命。然不敢忽也。謹繕寫刻石以永示子孫。

恭題 天恩卷後 恩遇

臣士奇永樂八年五月十八日於文華殿陳情題本

錄副時 太宗皇帝親征北虜 仁宗皇帝監國南

京中外政務悉聽 令旨裁處臣士奇以左春坊左

諭德兼翰林院侍講留輔導同母之弟羅京聞北京

祖宗時屯軍之制嚴明如此故文員以爲難爲矣
種田之令寓書告別士奇將行蓋不得已具此啓陳

後來制竟從施矣

情仁廟一再覽之以示吏部尚書兼詹事府詹事

蹇義兵部尚書兼詹事府詹事金忠右春坊大學士

兼翰林院侍讀黃淮曰士奇素無片語及私此從

之顧忠曰并永昌軍役亦免之卽親灑寶翰題十九

字於題本之後付給事中施行十九字卽所得令旨

也又命忠速行永昌衛且令官給憲口糧脚力歸天

地大德士奇之不肖何以能報也旣拜恩命遂辭口

糧脚力之賜及部牒至永昌憲先數日卒衛卽日發

遣憲妻子男女五口歸泰和從京同居依先人之墳
墓聚親戚千里間優游恬嬉於無事之域蓋未嘗一
日忘朝廷保全之恩也京今歲來省士奇於北京
兄弟相對皆蒼顏白顛每論往事感激之至零涕無
已京請錄當時陳情題本以垂示羅氏子孫遂并志
而生者也
其槩嗚呼羅氏後世尚勉思力學務善持身保家以
不忝朝廷之大德於永遠哉

恭題朱孔易所受勅命後

善書

宣德二年翰林院編修臣朱孔易所受勅命四道

孔易一道其父母妻各一道孔易謹通錄副以藏間

屬臣士奇識于後臣記憶永樂初詔求四方善書

善書者受清秩始于此故識之

士寫外制又詔簡其尤善者於翰林寫內制且出

秘府古名人法書俾有暇益進所能於時孔易兼工

署書駿駿詹希元矩度風韻偉然傑出也一日上

御右順門召孔易書大善殿扁舉筆立就深荷嘉獎

即日授中書舍人明日有旨凡寫內制者皆授中

書舍人蓋善書授官自孔易始後北京宮殿成禁扁

皆孔易書遂陞編修又五年始授此勅編修史官也

勅文首末則當時通命史官之詞。孔易歷事四朝
皆以法書被知遇。受勅後無幾陞春坊中允。今雖
老筆力愈勁。蒼然歲寒松柏也。位之所進。殆未可量。
文○貞○亦○薄○書○者○親○其○臧○予○每○欲○瞻○帖○可○見
綸章之褒。亦殆未止於此乎。謹拜手識于後云。

恭題謝庭循所授

御製詩卷後

御製詩

想見當時太平

管我宜宗皇帝萬幾之暇。講論道德之餘。間游菽
書畫。時非厚重端雅之士。不得給事左右。永嘉謝庭
循獨見愛重。恒侍燕閒。蓋庭循清謹有文。每承顧問。
語有斟酌
必以正對。尤精繪事。每有所進。必荷褒錫。此卷其一

也。上素重官職不輕授。未幾進庭循五品爲錦衣衛千戶。蓋亦兼重其爲人也。今宮車遠矣。庭循珍襲此卷甚謹。以臣士奇宣德舊臣。間出示之。臣拜稽瞻誦感慟歆。豔并發于中。有不能已焉。嗟夫。是賜也非庭循不能得。亦非庭循不足以當猗歟盛矣。若龍光寶氣。上燭雲漢。必有神物護持於永遠。謝氏之榮。豈有窮乎。

恭題 勅諭致仕官羅崇後

典史致仕

永樂二年正月十七日 勅江都縣典史致仕臣羅

典史致仕亦有

勅可見當時不卑

小官如此

至今

崇一道臣崇既衰潢成卷又五年上巡幸北京詔

此事更爲○異○數○

吏部驛召天下致仕官暫任以政崇至署麻城縣且

行出此勅示臣士奇屬識一言臣士奇俯伏端誦

仰惟皇上達孝推恩優禮耆德聖德隆盛而崇

老退遭逢榮幸欣躍感激懷報當何如哉孔子曰君

使臣以禮臣事君以忠忠者臣道之當然今皇上

宵旰圖治孜孜焉安民之爲急崇是行誠能精白一

心以宣揚德意惠撫其民使咸獲生遂庶幾盡爲臣

以忠之義以不忝負此勅而寶藏之傳于子孫光

輝烜赫其有窮乎崇尚懋敬之哉

都城覽勝詩後

北京城

築都城大事也瞻之

正統四年重作北京城之九門成崇臺傑宇巋巍弘壯環城之池既浚既築隄堅水深澄潔如鏡煥然一新耆耄聚觀忻悅嗟嘆以爲前所未有蓋京都之偉望萬年之盛致也于是少師建安楊公少保南郡楊公偕學士諸公以暇日登正陽門之樓而縱覽焉高山長川之環固平原廣甸之衍迤泰壇清廟之崇嚴宮闕樓觀之壯麗官府居民之鱗次廛市衢道之基

布朝覲會同之麋至車騎逞來之全集。粲然明雲霞。
滃然含烟霧。四顧畢得之。而胸次軒豁。趣與景會。樂
哉乎游也。南郡公有詩。諸公皆倚和之。綴輯成卷。是
時僕以 賜告南歸。不及與遊。既獲覩羣什而歆艷
焉。皆所謂登高能賦之大夫者也。諷詠之餘。因慨嘆
凡事之成。各有其時。太宗皇帝肇建北京。既立郊
廟宮殿。將及城池。會有事未暇及也。已而國家屢有
宣德時何以未作都城事。久未暇及。皇上嗣大位之五年。仁恩覃霈。海宇
又寧。始及於斯。而不日成之。豈非得其時者乎。夫得

其時而不得其人猶未也。蓋嘗聞之。命之初下。工部侍郎蔡信颺言於衆曰。役大非微。十八萬民不可材木諸費稱是。上遂命太監阮安董其役。取京師聚操之卒萬餘停操而用之。厚其旣廩。均其勞逸。材木諸費一出公府之所有。有司不預。百姓不知。而歲中告成。蓋一出安之忠。于奉公。勤于恤下。且善爲畫也。謂事之成。非繇於人乎。嗟夫。一事之成。猶必得人。則於爲國家天下之重且大。不可推見乎。

碑

靈慈宮碑

海神

起法蒼古

踰淮而濟而汶兩京之通道也。凡南方兩淮兩廣江
東西湖湘閩黔蜀其方伯郡邑百司與夫海外番
國蠻夷君長之貢獻朝覲受事請命者商賈之懋遷
者往還交錯蚤暮不息而事之重且大者軍國所用
租賦悉出南方郡邑永樂初命平江伯陳瑄率舟師
道海運北京然道險所致無幾乃浚濟寧臨清之河
以達北京以便餉運歲終數千艘每春冰泮則首尾
相銜而上河脰且淺一雨輒驟溢雨止復竭加有洪

肺之艱且險，舟稍不戒，非覆則膠。時平江公仍奉

命督饗運，慨然念曰：凡大山長川，皆有主宰之神，能

事神則受福。往年吾董海運，凡海道神祠，吾過之必

顙顙持敬如神之臨乎前也。間遇風濤，及魚龍百怪

有作，輒叩神祐，靡不響應。今茲祠祀未建，非缺典歟。

遂作祠于淮北之清江浦，以祀天妃之神。蓋公素所

持敬者。凡淮人及四方往來公私之人，有所于祠下

亦皆響應。守臣以聞，賜祠額曰靈慈宮，命有司歲

用春秋祭。於是董饗運參將都指揮僉事湯公節請

書麗牲之石。蓋世俗所傳神肇迹事。遠不可質。惟神者天之所命。天固以利物爲心也。神斯無不在。誠斯無不格。誠神孚而福澤降。自然之理也。旣爲書作宮所自。又作迎享送神之辭。俾歌以將事。辭曰。

潔芬馨兮芳筵。奠蘋蘩兮清醕。吹參差兮鼓瑟。紛墜拜兮堂下。神來降兮雲中。導霓旌兮鸞蓋。從海若兮河伯。錯玉節兮瑤珮。神戾止兮憺安。悅下人兮恂枕。風泠泠兮嚳幕。恍若睹兮居歆。神昭昭兮在上。人總總兮在下。紛有祈兮不齊。神均錫兮靈祐。車道陸兮

履坦。舟循川兮安流。風與雨兮時若。物阜成兮神之
庥。歲祈報兮有祀。神倏遑矣忽旋。上衛國兮下民
生。神惠同淮流兮千萬億年。

皇明經世文編卷之終